



Na osnovu člana 24. stav (3) Zakona o konkurenciji („Službeni glasnik Bosne i Hercegovine“, br. 48/05, 76/07 i 80/09), člana 61. stav (2) Zakona o upravi („Službeni glasnik Bosne i Hercegovine“, br. 32/02, 102/09 i 72/17), a u vezi sa članom 32 st. (2) i (3) Zakona o radu u institucijama Bosne i Hercegovine („Službeni glasnik Bosne i Hercegovine“, br. 26/04, 7/05, 48/05, 60/10, 32/13, 93/17 i 89/18), Odluke o proglašenju nastanka stanja prirodne ili druge nesreće na teritoriji Bosne i Hercegovine („Službeni glasnik Bosne i Hercegovine“, broj 18/20), Odluke Vijeća ministara Bosne i Hercegovine o postupanju institucija Bosne i Hercegovine i pravima i obavezama uposlenih u institucijama Bosne i Hercegovine tokom trajanja epidemije COVID-19, od 10.09.2020.godine („Službeni glasnik BiH“, broj 58/20) i Uputstva o postupanju Konkurencijskog vijeća Bosne i Hercegovine i pravima i obavezama zaposlenih u Konkurencijskom vijeću Bosne i Hercegovine tokom trajanja epidemije COVID - 19, broj: 01-02-2-143-5/20 od 21.09.2020. godine, predsjednik Konkurencijskog vijeća donosi

INTERNE PROCEDURE
o izmijenjenom načinu i organizaciji rada Konkurencijskog vijeća Bosne i Hercegovine tokom trajanja epidemije COVID - 19

Član 1.
(Predmet)

- (1) Ovim internim procedurama reguliše se izmijenjeni način organizacije rada, te način postupanja i komunikacije zaposlenih u Konkurencijskom vijeću Bosne i Hercegovine (u daljem tekstu: Konkurencijsko vijeće) tokom trajanja epidemije COVID-19, s ciljem zaštite zdravlja zaposlenih uzimajući u obzir pogoršanu epidemiološku situaciju u Bosni i Hercegovini.

Član 2.
(Izmjena načina rada zaposlenih u Konkurencijskom vijeću)

- (1) U cilju smanjenja boravka broja zaposlenih na radnom mjestu, samim tim i smanjenja mogućnosti zaraze tokom trajanja epidemije COVID-19, a sve u skladu sa preporukama i mjerama nadležnih epidemioloških tijela entiteta, odnosno kantona, rad Konkurencijskog vijeća će se organizovati u određenim grupama koji će naizmjenično obavljati poslove u prostorijama Konkurencijskog vijeća svake sedmice. Zaposleni iz grupe, u sedmici kada ne dolaze u prostorije Konkurencijskog vijeća radi obavljanja poslova, dužni su poslove obavljati na daljinu (od kuće).
- (2) Zaposleni koji obavljaju poslove na daljinu (od kuće) dužni su poslove vršiti putem elektronske pošte, a u periodu od 09:00 do 17:00 sati također biti dostupni i putem telefona i e-maila.
- (3) Prilikom obavljanja poslova iz stava (2) ovog člana, zaposleni koji je zadužen za predmet, po izradi odgovora, mišljenja ili drugog odgovarajućeg akta, u ovisnosti od prirode predmeta, isti elektronski dostavlja kolegi iz svoje kancelarije koji je u toj sedmici fizički prisutan u prostorijama Konkurencijskog vijeća koji akt upućuje u daljnju proceduru shodno dosadašnjoj praksi Konkurencijskog vijeća (printanje, dostavljanje Predsjedniku na potpis i sl.).
- (4) Prilikom izvršavanja radnih zadataka na daljinu (od kuće), odjel protokola koji će podrazumijevati fizičko prisustvo po jedne osobe koji će se smjenjivati sedmično, dužni su obezbijediti dostavljanje ulazne pošte zaposlenima elektronskim putem, odnosno e-mailom.

- (5) Pravna i finansijska služba Konkurencijskog vijeća će svoje prisustvo i rad u prostorijama Konkurencijskog vijeća organizovati u skladu sa obavezama, rokovima i potrebama i u dogovoru sa Predsjednikom Konkurencijskog vijeća.
- (6) U slučaju potrebe za obavljanjem poslova na radnom mjestu, zaposleni može prekinuti rad na daljinu te iste obavljati u prostorijama Konkurencijskog vijeća pri tom vodeći računa o propisanim epidemiološkim mjerama.
- (7) Omogućava se klizno radno vrijeme zaposlenih koji su dežurni u prostorijama Konkurencijskog vijeća, radi izbjegavanja gužve u javnom prijevozu, u skladu sa preporučenim epidemiološkim mjerama, te potrebama posla.
- (8) Raspored rada na daljinu, kao i raspored smjenskog radnog vremena utvrđuje Predsjednik Konkurencijskog vijeća u cilju pravovremenog izvršavanja zadataka i ispunjenja zakonskih nadležnosti Konkurencijskog vijeća a koji se nalazi u prilogu ovog akta.

Član 3.
(Prava iz radnog odnosa zaposlenih)

- (1) U periodu primjene internih procedura zaposlenih u Konkurencijskom vijeću, u sedmici kada poslove obavljaju na daljinu (rad od kuće), zaposleni ostvaruju prava u skladu sa članom 4. stav (3) Odluke o postupanju institucija Bosne i Hercegovine i pravima i obavezama zaposlenih u institucijama tokom trajanja epidemije COVID-19 („Službeni glasnik BiH“, broj 58/20).
- (2) Zaposlenim iz stava (1) ovog član pripadaju sva prava iz radnog odnosa, osim prava na naknadu troškova prijevoza.

Član 4.
(Prelazne i završne odredbe)

- (1) Sva ostala pitanja u periodu trajanja epidemije regulirana su Uputstvom o postupanju Konkurencijskog vijeća Bosne i Hercegovine i pravima i obavezama zaposlenih u Konkurencijskom vijeću Bosne i Hercegovine tokom trajanja epidemije COVID - 19, broj: 01-02-2-143-5/20 od 21.09.2020. godine.
- (2) Ovaj akt stupa na snagu danom donošenja, a primjenjuju se od 27.10.2020. godine do stavljanja van snage istog.

Broj: 01-02-2-143-6/20
Sarajevo, 26.10.2020. godina

Dostavljeno:

- Svim zaposlenim u Konkurencijskom vijeću;
- Oglasna ploča Konkurencijskog vijeća;
- Službena stranica Konkurencijskog vijeća;
- Pravna služba i
- a/a.


Predsjednik
dr. Stjepo Pranjić